

綱鑑易知錄

隋 南北

四十二

113
537
22



門 413  
號 537  
卷 22

尺木堂綱鑑易知錄卷四十

大正十五年二月  
花房仙史郎氏寄贈

通鑑綱目定本

山陰吳乘權楚材同輯

周之炯靜專

周之燦星若

陳紀附隋

高宗宣帝

綱辛丑

陳大建十三年周大象三年二月以後隋高祖文帝楊堅開皇元年。是歲周亡隋代。凡

三春二月隋王堅稱皇帝。周主遜居別宮。隋王即

皇帝位。竇毅之女。聞周主禪。自投堂下。撫膺太息曰。

竇毅女

綱鑑易知錄

卷四十

南北朝陳宣帝隋高

宮中一聖

恨我不為男子救舅氏之患。毅及襄陽公主掩其口曰：汝勿妄言滅吾族。由是奇之。及長，以適唐公李淵。淵，見上卷之子也。綱：隋追尊考楊忠為武元帝。綱：隋立后，獨孤氏。目：后家世貴盛，而能謙恭，雅好讀書。言事多與隋主意合，甚寵憚之。宮中稱為二聖。綱：隋立世子勇為太子，諸子皆為王。廣為晉王，俊為秦王，秀為越王，諒為漢王。綱：隋廢周主闡為介，州名，今山西汾州府公。改封周太后楊氏為樂平，今山西太原府公主。綱：隋主盡滅宇文氏之族。法書下：西殺高緯，夷其族之報也。隋不鑒之，而又甚焉。滅國自蕭道成始，書滅其族，未書盡滅也。於是始書盡。

李德林固爭滅宇文

滅。隋之不目。虞慶則勸隋主盡滅宇文氏。李德林固爭，諍以為不可。隋主作色曰：君書生，不足與議此。於是周太祖以下子孫皆死，而德林品位遂不進。綱：隋徵蘇威為太子少保。目：威，見三卷之子也。少有令名。周宇文護，見上卷強以女妻之。威見護專權，恐禍及已，屏居山寺，以諷讀為娛。周高祖武帝聞其賢，除車騎大將軍，辭疾不拜。隋主為丞相高頴景薦之。隋主召見，與語大悅。居月餘，聞將受禪，遁歸田里。頴請追之。隋主曰：此不欲預吾事耳。置之。及受禪，徵

蘇威聞禪遁歸被徵拜命

綱鑑易知錄

卷四十一

南北朝陳宣帝隋高

二

拜太子少保追封綽為邳批。今江南淮安府邳州公以威襲爵

綱三月隋以賀若弼為吳州今江南揚州府總管見上卷末韓擒

虎為廬州今江南廬州府總管見上卷末韓擒

將於高穎頌薦弼與擒虎故以弼鎮廣陵即揚州府擒虎

守廬江即廬州府使潛為經略綱隋以蘇威為納言目初

蘇綽在西魏以國用不足為征稅法頗重既而歎曰

今所為者正如張弓非平世法也後之君子誰能弛

之威聞其言每以為已任至是奏減賦役務從輕簡

隋主從之謂朝臣曰楊素見上卷才辯無雙至於樹

隋主有并吞江南之志

蘇威以父言為已任

唯讀孝經一卷

隋五銖錢

酌古今助我宣化非威之匹也威若逢亂世南山四

皓見上卷豈易屈哉威嘗言於隋主曰臣先人每戒

臣云唯讀孝經一卷足以立身治國何用多為隋主

深然之綱夏五月隋主堅弒介公闡綱秋七月隋定

服色法書後世人君目隋主始服黃百僚畢賀綱九月

隋僕射高穎督諸軍侵陳綱隋鑄五銖殊錢目背面

肉壽好去聲。肉。錢皆有周郭每一千重四斤二兩

綱隋上柱國鄭譯亦有罪除名目譯自以被疎陰呼

道士醮章醮祭章表也謂奏表於天以達誠款祈福婢告以為巫蠱見

綱監易知錄

卷四

南北朝陳宣帝隋高

三

隋主合鄭  
譯熟讀孝  
經

四卷譯又與母別居為憲司所劾除名隋主下詔曰  
 三四譯若留之於世在人為不道之臣戮之於朝入地為  
 不孝之鬼宜賜以孝經令其熟讀仍遣與母共居綱  
 冬十月隋初行新律法書此後世以笞杖徒且初周法  
 比於齊律煩而不要隋主命裴政等更加脩定始制  
 死刑二絞斬流刑二自二千里至三千里徒刑五自  
 一年至三年杖刑五自六十至百笞刑五自十至五  
 十綱十二月隋聽民出家賦錢寫書佛造像佛  
 右北周五主合二十五年

綱壬寅陳大建十四年隋開皇二年春正月陳主頊殂始興王叔

陵陳主作亂伏誅太子叔寶立

後主名叔寶宣帝太子在位六年為隋所滅卒於仁壽四年壽五十二歲

綱癸卯陳後主叔寶至德元年隋開皇五年春三月隋遷于新都隋以

隋遷于新  
都

城狹小改作新都於龍首山遷焉龍首山在西安府城北一十里綱隋詔求遺書法書

自漢成河平三年書求遺書至元魏再見音漢成見於是三見惜乎見於賦錢寫書之後也註十七卷

二七元魏見且秘書監牛弘上表曰典籍屢經喪亂三七卷二

率多散逸周氏聚書僅盈萬卷平齊所得裁益五千

興集之期屬膺聖世為國之本莫此為先隋主從之

詔獻書一卷。賚賴。并一匹。綱冬十一月。隋

罷郡為州。

綱甲辰陳至德二年。隋開皇四年。春正月朔日食。秋九月。隋詔

公私文翰並宜實錄。隋主不喜辭華。故有是詔。時

泗州今江南鳳陽府泗州。刺史司馬幼之文表華艷。詔付所司

治罪。治書侍御史李諤亦上書曰。魏之三祖北魏太祖高祖昭成帝世祖太武帝。

崇尚文詞。遂成風俗。江左齊梁其弊

彌甚。競一韻之奇。爭一字之巧。連篇累牘。不出月露

之形。積案盈箱。唯是風雲之狀。世俗以之相高。朝廷

李諤詩點  
浮甚

陳起三閣

以之擢士。以儒素為古拙。以詞賦為君子。故其文日

繁。其政日亂。良由棄大聖之軌模。憊無用以為用也。

今朝廷雖有是詔。而州縣仍踵弊風。躬仁孝之行者

不加收取。采。齒。錄。記。工輕薄之藝者。舉送天朝。請加采察。

送臺推劾。詔以其奏頒示四方。綱冬十一月。陳起臨

春結綺。望仙閣書閣。未有書起者。此其書何非常也。於是各高數十丈。連延數十

閣。皆以沉檀為之。故書目陳主起三閣俱在江寧府上元縣治東

北五里。各高數十丈。連延數十間。皆以沉檀為之。金

玉珠翠為飾。珠簾寶帳。服玩瑰麗。近古未有。其下

女學士

狎客

積石為山引水為池雜植花卉毀上自居臨春張貴妃名麗居結綺龔孔二貴嬪居望仙複道見八往來以宮人袁大捨等為女學士江總雖為宰輔不親政務日與尚書孔範散騎王瑳礎等文士十餘人侍宴後庭謂之狎客使諸妃嬪及女學士與狎客共賦詩采其尤豔同艷麗者被以新聲其曲有玉樹後庭花臨春樂等大略皆美諸妃嬪之容色君臣酣歌自夕達旦

綱乙巳

陳至德三年隋開皇五年

春正月朔日食綱夏五月隋初

隋初置義倉

賑饑其要乎近其人

置義倉貌閣猶言案比謂案戶口作輸籍法書置予良法也故書初綱日書義倉自度支尚書長孫一而巳此後世義倉之始惟平奏令民間每秋家出粟麥一石以下貧富為差儲之當社委社司檢校以備凶年名曰義倉隋主從之

致堂胡氏曰賑饑其要乎近其人隋義倉取之民不厚而置倉於當社飢民之得食也其庶矣乎後世義倉之名固在而置倉於州郡一有凶饑無狀有司固不以上聞也良有司敢以聞矣此及報可委吏屬出而施之文移反復給散艱阻監臨胥吏相與侵沒其受惠者大抵城郭之近力能自達之人耳居之遠者安能扶老攜幼數百里以就倉合之康哉必欲有備無惠當以

綱監易口錄

卷四十一

南北朝陳後主隋高

六

隋氏為法而擇長民之官行劬農之法輔以救荒之政本末具舉民之飢也庶有瘳乎

百時民間多妄稱老小以免賦役隋主命州縣大索

貌閱以防容隱高頴慢又言民間課輸無定簿難以

推校請為輸籍法隋主從之綱梁主歸見上卷太

子琮立綱秋八月隋築長城百東距河西今陝西行都司京州

衛等至綏州今陝西延安綿歷七百里

綱丁未陳禎明元年隋開皇七年春正月隋制諸州歲

貢士三人秋九月隋滅梁以其主蕭琮為莒今山東

莒州公綱冬十一月陳臨平湖開書湖開何記異也故吳臨平湖

後梁後主蕭琮

後梁七

陳臨平湖開

高頴取陳之策

開而吳亡陳臨平湖開而陳滅陳音吳湖開見二目主不知脩省自賣為奴則何益哉註九卷二三

隋主問取陳之策於高頴對曰江北田收差晚江南

水田早熟量彼收穫之際徵徵士馬聲言掩襲彼必

屯兵守禦廢其農時彼既聚兵我便解甲再三如此

彼以為常後更集兵彼必不信猶豫之頃我乃濟師

登陸而戰兵氣益倍江南土薄舍多茅竹儲積皆非

地害教當密遣人因風縱火待彼脩立復更燒之不

出數年財力俱盡矣隋主用其策陳人始困隋主謂

高頴曰我為民父母豈可限一衣帶水不拯整之乎



投林於江

命大作戰船。人請密之。隋主曰：吾將顯行天誅，何密之有？使投其林。費。削於江。曰：若彼懼而能改，吾復

何求。時江南妖異特衆，臨平湖。見同草久塞，忽然自

開。陳主惡之，乃自賣於佛寺為奴，以厭。煙入聲之。

綱：戊申。陳禎明二年。隋開皇八年。春三月，隋下詔伐陳。綱：冬十月，

隋以晉王廣為淮南。治江南揚州。江都縣。行省尚書令、行軍元

帥帥師伐陳。目：隋命晉王廣、秦王俊、清河公楊素皆

為行軍元帥，廣出六合。今江南江寧府六合縣。俊出襄陽。今湖

府陽。素出永安。今四川夔州府奉節縣。廬州總管韓擒虎出廬州。

見上吳州總管賀若弼出廣陵。見同凡總管九十兵

五十一萬八千，皆受晉王節度。旌旗舟楫，橫亘數千

里。以高潁為元帥，長史王韶為司馬。軍事皆取決焉。

秦王俊督諸軍屯漢口。在湖廣漢陽府城東大別山北。漢水與涓水合流，入江處。

為上流節度。陳以周羅暉侯督諸軍拒之。楊素帥水

軍東下。舟艦。盧被江。旌甲曜日。陳之鎮戍。恕相繼以

聞。中書舍人施文慶、沈客卿並抑而不言。及隋軍臨

江，僕射袁憲等奏請防備再三。陳主從容謂侍臣曰：

王旺氣在此，齊兵三來，周師再來，無不摧敗。彼何為

長江天塹

者邪。孔範曰：長江天塹，鐵去聲。塹，遼城水也。限隔南北。今日虜軍豈能飛渡邪？陳主以為然，故不為深備。奏伎縱酒賦詩不輟。

### 右陳五主合三十二年

#### 隋紀

高祖文皇帝

姓楊，名堅，小字那羅延，華陰人。父忠仕魏及周，封隋公。堅襲封，進爵為王。遂篡周，尋滅陳，南北為一。都長安。在位十六年。為太子。廣所弒，壽六十四歲。帝生而紫氣充庭，有尼來自河東，謂其母曰：此兒所從來甚異，不可於俗間處之。尼乃將帝舍於別館，躬自撫養。一日，尼出付其母抱之，忽見頭上角出，遍體鱗起，母大驚墜之地。尼心動，亟還，日驚我兒，致令晚

得天

大霧四塞

綱已酉，隋高祖文皇帝開皇九年春正月，總管賀若弼、韓擒虎進軍滅陳，獲其主叔寶。自正月朔，陳主會朝，大霧四塞。是日，賀若弼自廣陵引兵濟江，韓擒虎自橫江在江西南和州城東濟采石山名，在江西南太平府城北，守者皆醉，遂克之。陳主以蕭摩訶、樊毅、魯廣達並為都督，司馬消難、施文慶並為大監軍，遣樊猛帥舟師出白下城名，在江寧府城西北。既而賀若弼拔京口今江南京鎮江府，韓擒虎拔姑孰今江南京太平府，於是弼自北道擒虎自南道並進，緣

綱蓋易知錄

卷四十一

隋高祖

七

景陽井

江諸成望風盡走。弼進據鍾山。在江寧府東北。晉王廣遣總管杜彥與韓擒虎合軍屯於新林。浦名在江寧府西南。陳人大駭降者相繼。陳主使魯廣達陳於白土岡。在江寧府東。任忠樊毅孔範蕭摩訶軍以次而北。互二十里首尾進退不相知。韓擒虎自新林進軍。任忠帥數騎迎降於石子岡。在江寧府南。引擒虎軍直入朱雀門。陳主皇遽從宮人十餘出景陽殿。在江寧府上元縣治東北五里臺城內。自投於井。即景陽井一名胭脂井。後人名為辱井。既而軍人窺井以繩引之驚其太重及出乃與張貴妃孔貴嬪同束而上。賀若弼乘

高頰斬張麗華

勝至樂遊苑。在江寧府北覆舟山南。燒門而入。弼恥功在擒虎後欲令叔寶作降箋歸己不果。綱晉王廣入建康。陳都今江陳都督施文慶等五人。目高頰先入建康。陳都今江晉王廣使人馳告之令留張麗華。即張貴妃。頰曰昔太公蒙面以斬妲己。世說武王合軍士斬紂妃妲己及臨刑一笑百媚軍士釋然太公以帛蒙其面而斬之。此豈可留也。斬之。廣聞之變色曰昔人云無德不報我必有以報高公矣。由是恨頰。尋入建康以施文慶諂佞沈客卿聚斂與陽慧朗徐哲暨吉慧景皆為民害。斬之以謝三吳。見三二卷五。綱以許善心為散

綱鑑易知錄

卷四十一

隋高祖

十一

騎常侍。目帝使以陳亡告許善心。初陳遣許善心使

善心衰服號哭於西階之下。藉草東向坐三日。敕書

唁。硯。勇失。國曰唁。焉。明日就館拜散騎常侍。上曰。我平陳

唯獲此人。既能懷其舊君。即我之誠臣也。綱二月置

鄉正里長。目蘇威奏請五百家置鄉正。使治民間辭

訟。上從之。乃以百家為里。置里長一人。綱夏四月。晉

王廣班。還師俘。囚也。陳叔寶至京師。獻于太廟。論功

行賞有差。雌目進楊素爵為越公。賀若弼宋公。弼與

韓擒虎爭功於帝前。弼曰。臣在蔣山。即鍾山。見上。死戰破

置鄉正里長

高頴議功

其銳卒擒其驍將。擒蕭摩訶震揚威武。遂平陳國。擒虎曰。

臣以輕騎五百直取金陵。即建康執陳叔寶。弼夕方至。

臣啓關納之。安得與臣比。帝曰。二將俱為上勳。於是

進擒虎上柱國。高頴爵齊公。從容命頴與弼論平陳

事。頴曰。弼先獻十策。後苦戰破賊。臣文吏耳。焉敢與

之論功。帝大笑。嘉其有讓。初上嘗使頴問方略於李

德林。至是賞其功。授柱國。封郡公。已宣敕。或說頴曰。

今歸功德林。諸將必當憤惋。而公亦為虛行矣。頴入

言之。乃止。賀若弼撰其所畫策上之。謂之御授平陳

七策帝弗省曰我不求名公可自載家傳即家乘今族譜也

後突厥見三十八卷來朝帝謂之曰汝聞江南有陳國乎

因名左右引突厥詣韓擒虎前曰此是執得陳國天子者擒虎厲色顧之突厥惶恐不敢仰視龐晃恍等

短高頴帝怒皆黜之親禮逾密因謂頴曰公猶鏡也

每被磨瑩皎然益明綱復福故陳境十年餘州一年

高公猶鏡復故陳境十年

賦役也綱以陳江總袁憲等為開府儀同三司司以

江總袁憲蕭摩訶任忠為開府儀同三司帝嘉袁憲

雅操下詔以為江表稱首初陳散騎常侍韋鼎聘於

周遇帝而異之謂曰公當大貴貴則天下一家歲

周天歲星十二老夫當委質見五卷於公矣及歸盡賣

田宅或問其故鼎曰江東王旺氣盡於此矣至是召

為上儀同三司綱詔除毀兵仗書秦書銷兵器設私

仗秦隋一轍矣是後又書收天下兵器書禁民音銷

間軍器至於鐵又搭鉤之類皆禁之隋又甚矣註兵

器見八卷三綱秋七月羣臣請封禪見八卷不許書漢世祖

臣請封禪不許不書此何以書卒不封禪也音漢世

與六年不許而十一年詔議封禪禮者異矣註祖見

二一卷十七六年見四三卷綱冬十二月詔定雅樂

十九卷十一年見四四卷綱辛公義為岷州刺史目岷今陝西俗畏疫一

詔定雅樂

不許封禪

伏詔除毀兵

綱鑑易知錄

卷四十一 隋高祖

十二

辛公義治  
岷州

人病闔家避之。病者多死。公義命皆輿置廳事。暑月廳廊皆滿。公義設榻。晝夜處其間。以秩祿具醫藥。身自省問。病者既愈。乃召其親戚諭之曰：死生有命。豈能相染。若能相染。吾死久矣。皆慙謝而去。其後人有病者。爭就使君。其家親戚固留養之。始相慈愛風俗。遂變。後遷并州。今山西太原府刺史。下車先至獄中。露坐帳。不設幃。驗問十餘日。閒決遣咸盡。還領新訟事。皆立決。有須禁者。公義即宿廳事。終不還閣。蛤或諫曰：公事有程。何自苦。公義曰：刺史無德。不能使民無訟。豈

辛公義治  
并州

可禁人在獄而安寢於家乎。罪人聞之。咸自歎服。後有訟者。鄉閭父老遽曉之曰：此小事。何忍勤勞使君。訟者多兩讓而止。

**綱** 庚戌十年春二月。殺楚州。今江南淮安府參軍李君才於

殿內。目帝性猜忌。不悅學。既任智以獲大位。因以文法自矜。明察臨下。恆令左右覘。諸平去二。窺也。視內外。有過失。則加以重罪。又患令史贓汙。私使人以錢帛遺去。聲之。得犯立斬。每於殿廷捶人。揮楚。猶也。不甚。即命斬之。李君才言帝寵高。頗過甚。帝怒。命杖之。而殿內

楊素討平江南

蘇威作五教

無杖遂以馬鞭捶殺之。未幾怒甚，又於殿廷殺人。兵部侍郎馮基固諫，不從。尋悔，宜慰基，而怒羣臣之不諫者。綱冬十一月，江南亂，以楊素為行軍總管討平之。曰：江表自東晉以來，刑法疏緩，世族陵駕寒門。平陳之後，盡反其政。蘇威復作五教，五倫之教使民誦之，士民嗟怨。民間復訛言，隋欲徙之入關，遠近驚駭。於是越州今浙江紹興府高智慧、蘇州今江南蘇州府沈玄愔穢皆舉兵反，自稱天子，攻陷州縣。陳之故境，大抵皆反。執縣令殺之，曰：「更能使儂農。吳語我也。誦五教邪？」詔遣楊素討之。

素帥舟師自揚子津

即揚子江在江南揚州府儀真縣南

入擊賊。玄愔

敗走，追擒之。智慧據浙江

在浙江杭州府城東

東岸為營。子總

管

猶言小總管，將也。

來護兒曰：「吳人輕銳，利在舟楫，必死之。」

賊難與爭鋒。公宜嚴陳以待之，勿與接刃。請假奇兵

數千，潛度掩破其壁，壘使退無所歸，進不得戰。此韓

信破趙之策

見九卷

也。素從之，大破智慧。智慧走保

閩越

見十八卷

素分兵追捕，密令人說賊帥王國慶，使

斬送智慧，以自贖。餘黨悉降。江南大定。

綱辛亥十一年春二月，以劉曠為莒州

今山東青州府莒州刺史

韓信破趙之策

劉曠異政

史曰平鄉今直隸順德府平鄉縣令劉曠有異政以義理曉諭訟者皆引咎而去獄中草滿庭可張羅高頴薦之故有是命

綱壬子十二年秋七月蘇威以開府就第尚書盧愷

除名目博士何妥與蘇威爭議事積不相能不相善也威

子夔與妥議樂議脩正雅樂復不同議者以威故同夔者

什八九妥恚惠遂奏威與盧愷薛道衡王弘李同和

等共為朋黨帝大怒威免官爵以開府就第盧愷除

名威好立條章每歲責民間五品不遜書舜典五品不遜五品

蘇威責民五品不遜

倫之名位等級也遜順也答者或云管內無五品之家其不相應

領謂不答所問類如此又為餘糧簿欲使有無相贍民部

侍郎郎茂以為煩迂不急皆奏罷之茂嘗為衛國今

東東昌府觀城縣令有民張元預兄弟不睦丞尉請加嚴刑

郎茂化張元預

茂曰元預兄弟本相憎疾又坐得罪彌益其忿非化

民之意也乃徐諭之以義元預等各感悔頓首請罪

遂相親睦綱冬十月新義公韓擒虎卒綱十一月以

楊素為僕射夜與高頴專掌朝政領軍大將軍賀若弼除名目賀若弼自謂功名出朝臣之右當為宰相



作仁壽宮

行新樂

及楊素為僕射不平形於言色由是免官怨望愈甚  
 久之上下弼獄公卿奏弼罪當死上謂弼曰臣下守  
 法不移公可自求活理弼曰臣將八千兵擒陳叔寶  
 竊以此望活上曰此已格外重賞弼曰臣今還格外  
 望活上低回者數日特令除名歲餘復其爵位  
 綱癸丑十三年春二月作仁壽宮在陝西鳳翔府麟遊縣西  
 綱甲寅十四年夏四月行新樂目太常卿牛弘使協  
 律郎祖孝孫參定雅樂復附帝意銷毀前代金石以  
 息異議又作武舞以象功德至是樂成詔行之樂工

萬寶常雅樂不停

萬寶常妙達鍾律造諸樂器其所好聞新樂法然泣曰淫  
 厲而哀天下不久盡矣寶常竟餓死且死悉取其書  
 燒之曰用此何謂綱秋七月以蘇威為納言綱關中  
即長安早饑八月帝如洛陽目上遣左右視民食得豆  
 屑雜糠以獻上流涕以示羣臣深自咎責為去聲之不  
 御酒肉者暮年至是帥民就食於洛陽今河南河南府洛陽縣  
 救斥候斥度候望也不得驅迫男女參廁次雜也於仗  
 衛之間遇扶老攜幼者輒引馬避之至艱險處見負  
 擔背日擔者令左右扶助綱冬十月散騎侍郎王劼

綱監易印錄

卷四十一

隋高祖

十六

王劭上皇  
隋靈感志

上皇隋靈感志。曰：帝好祿祥吉凶之先見也。小數劭前後上表言上受命符瑞甚衆。又探歌謠識緯見二二三。摭取也佛書曲加誣飾。撰皇隋靈感志三十卷。奏之。上令宣示天下。

綱：乙卯十五年春正月，帝東巡祀天于泰山。在山東濟南府

目：以歲旱謝愆咎也。綱：二月收天下兵器。見上

法：書宮成。誅意也。素之薦帝之擢以宮成而已矣。

目：仁壽宮成。幸之時天暑。役夫死者相次於道。楊素

仁壽宮成

焚綾文布  
於朝堂

悉焚除之。帝不悅。及至見制度壯麗，大怒曰：楊素為吾結怨天下。素聞之，慮獲譴，封德彝曰：公勿憂。俟皇后至，必有恩詔。明日帝果召素入對。后勞去聲之曰：公知吾夫婦老，無以自娛。魚盛飾此宮，豈非忠孝。賜資甚厚。素屢薦德彝於帝，擢為內史舍人。綱：夏六月，焚相州。今河南彰德府所貢綾文布於朝堂。綱：秋七月，納言蘇威免，尋復其位。目：威坐從祠不敬，免。俄而復位。帝謂羣臣曰：世人言蘇威詐清，家累金玉，此妄言也。然其性狠戾，例不切世要，求名太甚。從已則說，違之必怒。

蘇威大病

韋世康常有止足之志

工商不得仕進

綱鑑易知錄

卷四十一

十一

此其大病耳。綱冬十月以韋世康為荊州總管。目世康和靜謙恕為吏部尚書十餘年時稱廉平常有止足之志。謂子弟曰。祿豈須多。防滿則退。年不待暮。有疾便辭。因懇乞骸骨。不許。使鎮荊州。綱十二月。敕盜邊糧。升以上皆斬。法書書譏峻法也綱丙辰十六年夏六月。初制工商不得仕進。綱秋八月。詔死罪三奏然後行刑。

綱丁巳十七年春三月。詔諸司論屬官罪聽律外決杖。法書書律外譏也唐世簿尉不免箠楚則自此始矣目帝以所在屬官不敬

盜一錢一瓜而死

憚其上市難克舉故有是詔於是上下相驅迭行捶楚又以盜賊繁多命盜一錢以上皆棄市或三人共盜一瓜事發即死於是行旅皆晏起早宿天下懍懍有數人劫執事而謂之曰吾豈求財者邪但為枉人來耳而也為我奏至尊自古立法未有盜一錢而死也而不以聞吾更來而屬無類種也矣帝聞乃為停之又嘗乘怒欲以六月杖殺人大理少卿趙綽固爭諍帝曰六月雖曰生長此時必有雷霆我則天而行有何不可遂殺之掌固大理寺屬官來曠告綽濫免徒囚推

綱鑑易知錄

卷四十一

隋高祖

十八

趙綽諫殺  
來曠

驗無實。帝怒，命斬之。綽又固爭，帝拂衣入閣。綽託  
奏他事，復入，再拜曰：臣有死罪三，不能制馭，掌固使  
觸天刑一也；因不合死，不能死爭二也；本無他事，妄  
言求入三也。帝意解，曠因免死。綱冬，欽州刺史甯長  
真來朝。書甯長真何蠻酋也，於是何曰：初，散騎侍郎  
何稠使嶺南。今廣東廉刺史甯猛力  
請隨入朝，稠以其疾篤，遣還而卒。帝不懌，稠曰：猛力  
與臣約，假令身死，當遣子入侍矣。猛力臨終，果誠其  
子長真，葬畢登路，至是長真嗣為刺史，如言入朝。帝

何稠著信  
戀南  
置行宮十  
二所

大悅曰：何稠著信，蠻夷乃至於此。  
綱戊午，十八年冬十二月，置行宮十二所。曰：自京師  
至仁壽宮，見上之道也。  
綱己未，十九年秋九月，以牛弘為吏部尚書。曰：弘選  
舉先德行而後文才，務在審慎。雖致停緩，而所進用  
多稱去聲職。侍郎高孝基鑒賞機悟，清慎絕倫。然爽俊  
有餘，迹似輕薄。時宰多以此疑之，弘獨推心任委，得  
人為多。

綱庚申，二十年春二月，賀若弼坐事下獄，赦出之。法書

賀若弼三太猛

廢太子勇為庶人

書赦出之何目弼復坐事下獄帝數上之曰公有三  
議失有罪也太猛嫉妒心太猛自是非人心太猛無上心太猛既  
而釋之他日帝謂待臣曰弼將伐陳謂高頴曰不作  
高鳥盡良弓藏見十卷八邪後又語頴曰皇太子於己無  
所不盡公終久何必不得弼力何脉脉邪言公後來  
力何故脉脉然不意圖鎮廣陵又圖荊州皆作亂之  
為我著一語邪地也綱冬十月廢太子勇為庶人目初帝使太子勇  
參決政事時有損益帝皆納之勇性寬厚率意任情  
無矯飾之行帝性節儉勇嘗飾蜀鎧愷也帝見而不

悅後遇冬至百官皆詣勇勇張樂受賀帝不悅下詔  
停之自是恩寵始衰漸生猜阻勇多內寵昭訓雲氏  
尤幸其妃元氏無寵遇疾而薨獨孤后意其有他深  
以責勇然昭訓自是遂專內政生儼裕筠云諸姬子  
又數人后彌不平遣人伺求勇過晉王廣知之彌自  
矯飾後庭有子皆不育后由是數朔稱廣賢帝與后  
嘗幸其第廣悉屏丙匿美姬於別室惟留老醜者衣  
以縵瞞綵無文給事左右帝見之喜由是愛之特異  
諸子司馬張衡為廣畫奪宗之策廣問計於安州今湖

廣德安府總管宇文述述曰廢立大事未易謀也能移主

上意者惟楊素耳乃結素弟約時為大理少卿以白素素入

侍宴微稱晉王孝悌恭儉有類至尊后曰公言是也

素因盛言太子不才后遂遣去聲素金使贊帝廢勇立

廣勇頗知之憂懼計無所出使人造諸厭煙入勝鎮也

禮也帝又使素觀勇所為素至東宮還言勇怨望恐有

他變帝益疑之十月使人召勇帝戎服陳兵御武德

殿集百官諸親引勇及諸子列於殿庭宣詔廢勇及

其男女並為庶人帝召東宮官屬切責之皆惶懼無

獨孤后使  
楊素贊帝  
廢立

李綱諫廢太子

敢對者洗馬見三四卷七李綱獨曰廢立大事今文武大

臣皆知其不可而莫敢發言臣何敢畏死不一為陛

下別白言之乎太子性本中人可與為善可與為惡

歸向使陛下擇正人輔之足以嗣守鴻基今乃以唐

令則為左庶子鄒文騰為家令二人惟知以絃歌鷹

犬娛魚中悅太子安得不至於是邪此乃陛下之過非

太子之罪也又曰自古國家廢立豕嫡鮮不傾危願

陛下深畱聖意無貽後悔帝不悅罷朝會尚書右丞

缺有司請人帝指綱曰此佳右丞也即用之綱十一

李綱佳右丞

是日天下地震

高孝基識  
房杜

月立晉王廣為皇太子是日天下地震曰初帝之克陳也天下皆以為將太平監察御史房彥謙私謂所親曰主上忌刻而苛酷太子卑弱諸王擅權天下雖安方憂危亂其子玄齡亦密言於彥謙曰主上本無功德以詐取天下諸子皆驕奢不仁必自相誅夷今雖承平其亡可翹也足待高孝基名知人見玄齡歎曰僕閱人多矣未見如此郎者異日必為偉器恨不見其大成耳見杜杲見上卷之兄孫如晦謂曰君有應變之才必任棟梁之重俱以子孫託之

禁毀佛天尊及神像

綱禁毀佛天尊及神像

綱以王伽

為雍令

法書書不

遂昌尹氏曰綱目書地震多矣未聞有書天地震者夫震必有方則書曰某地某州是也或所震不一則汎書地震而不言其所亦有之矣曾未聞以天下書也前史載戊子立廣為太子天下地震至綱目變文上不書戊子而下書是日言是日則其理益明蓋深表地震之由繫於立廣之日所以起後世之疑欲使之推原其故耳夫太子承祧主器將以鎮安海宇今乃於正位之日舉四海九州之大同日地震變異若此其為傾覆必矣然是時既已廢立則亦將若之何毋亦考問罪否推究得失少可疑則雖然知悟速為之所庶幾少答天地之變而免於覆亡之禍可也夫何帝之觀此漫不加省遂至末年身不自保則天亦未如之何矣天之警告人主未有若是之明著者而帝不之寤哀哉

王伽錄賢也目齊州今山東濟南府行參軍王伽送流囚李參等

七十餘人詣京師行至滎陽今河南開封府滎陽縣謂曰卿輩

自犯國刑身嬰繫也縲紲固其職也重勞援卒豈不愧

王伽縱囚如期而至

心參等辭至京師悉脫其枷鎖停援卒與約曰某日

當至京師如到前却或前或却吾當為汝受死遂捨之而

去流人感悅如期而至一無離叛帝聞而驚異召見

與語稱善久之於是悉召流人宴而赦之因下詔曰

使官盡王伽民皆李參刑厝同錯其何遠哉乃擢伽為

雍今陝西鳳翔縣令

著其日長

綱辛酉仁壽元年春正月改元發改元字有書而此

目初太史令袁充表曰京房見十七卷十五有言太

平日行上道升平行次道霸代行下道蓋日去極近

則景日光也短而日長去極遠則景長而日短今自隋

興晝日漸長開皇元年冬至之景長一丈二尺七十

二分自爾漸短至十七年短於舊三寸七分矣上臨

朝謂百官曰日長之慶天之祐也今當改元宜取此

意以為號仍命百工作役並加程課丁匠苦之綱以

廢太學及州縣學

蘇威為僕射夜綱夏六月廢太學及州縣學改國子



為大學。

綱壬戌二年秋七月以韋雲起為通事舍人。且兵部

尚書柳述尚蘭陵今山東兗州府嶧縣公主。怙寵使氣自楊素

之屬皆下之。帝問符璽直長韋雲起以外閒不便事

述時在側雲起曰柳述驕豪未嘗經事兵機要重非

其所堪。臣恐物議以為陛下官不擇賢專私所愛斯

亦不便之大者。帝顧謂述曰雲起之言汝藥石也。可

師友之。曾詔內外官各舉所知。述舉雲起除通書舍

人。綱八月皇后獨孤氏崩。冬十月葬獻皇后。綱十

柳述舉韋雲起

二月詔楊素三五日一入省論大事。且素兄弟諸父

並為尚書列卿。諸子位至柱國刺史。既廢太子及蜀

王七月徵蜀王秀還京師是月廢為庶人威權愈盛。朝廷莫不畏附。敢

與抗者。獨治書侍御史柳彧郁。時素奏彧交通蜀王除名為民配戍懷遠

鎮及尚書右丞李綱大理卿梁毗皮而已。毗見素專

權恐為國患。乃上封事密奏阜囊封版故曰封事曰楊素幸遇愈

重。權勢日隆。天下無事。容息異圖。四海有虞。必為禍

始。陛下若以素為阿衡伊尹官號。臣恐其心未必伊尹也。

書奏。帝大怒。收毗繫獄。親詰之。毗極言素擅寵弄

梁毗上封事劾楊素

權。殺戮無道。又太子及蜀王罪廢之日。百僚無不震  
 悚。惟素揚眉奮肘。喜見現容色。利國家有事。以為身  
 幸。帝乃釋之。其後帝亦寢疎。忌素。乃下詔曰。僕射國  
 之宰輔。不可躬親細務。三五日一向省。評論大事。外  
 示優崇。實奪之權也。太子嘗問於賀若弼曰。楊素韓  
 擒虎。史萬歲開元二十年萬歲伐突厥還。陽素忌之。奏寢其功。萬歲見帝。詞氣憤厲。帝怒。殺之。  
 皆稱良將。其優劣何如。弼曰。楊素猛將。非謀將。韓  
 擒虎。鬪將。非領將。史萬歲。騎將。非大將。太子曰。然則  
 大將誰也。弼拜曰。惟殿下所擇。弼意自許也。

賀若弼論將

王通獻策

綱。癸亥三年秋九月。龍門今山西平陽府河津縣王通獻策。不  
 報。書策未有書獻者。書獻法策不報。交譏之也。目。通詣闕獻太平十二策。  
 帝不能用。罷歸。通遂教授於河汾卷二十七之間。弟  
 子自遠至者甚衆。累徵不起。楊素甚重之。勸之仕。通  
 曰。通有先人之弊廬。足以庇祕風雨。薄田。足以供饗  
 同。粥。讀書談道。足以自樂。願明公正身。以治天下。使  
 時和年豐。通也受賜多矣。不願仕也。或譖通於素曰。  
 彼實慢公。公何敬焉。素以問通。通曰。使公可慢。則僕  
 得矣。不可慢。則僕失矣。得失在僕。公何預焉。素待之

綱鑑易知錄

卷四十一

隋高祖

二五

無辨不爭

讒四佞媒

文中子

如初。弟子賈瓊問息謗。通曰：無辨。問止怨。曰：不爭。通嘗稱無赦之國其刑必平。重斂之國其財必削。又曰：聞謗而怒者讒之囚。訛。鳥媒也。也。見譽平聲而喜者。佞之媒也。絕囚去。上聲。媒。讒佞遠矣。大業末卒於家。門人謚曰文中子。

綱甲子四年春正月帝如仁壽宮。見上綱秋七月太子廣弒帝於大寶殿而自立遂殺故太子勇流尚書柳述侍郎元巖于嶺南。日四月帝不豫七月疾甚臥與百僚辭訣握手歔歔。悲泣氣咽而抽息也。越四日崩於大寶

殿。高祖性嚴重令行禁止勤於政事雖嗇於財至於賞賜有功卽無所愛愛養百姓勸課農桑輕徭薄賦自奉儉素後宮皆衣澣緩濯之衣天下化之然猜忌苛察信受讒言功臣故舊無始終保全者乃至子弟皆如仇敵初文獻皇后獨孤既崩帝以陳高宗宣女為宣華夫人有寵及寢疾僕射楊素兵部尚書柳述黃門侍郎元巖皆入閣侍疾詔太子入居殿中太子慮帝有不諱須預防擬手自為書封出問素素條錄事狀以報宮人誤送帝所帝覽而大恚惠陳夫人

獨孤誤我

張衡入殿  
侍疾

同心結

且出更耕衣為太子所逼拒之得免上怪其神色有異問故夫人泫然曰太子無禮上恚抵牀曰畜休去聲生何足付大事獨孤誤我見上乃呼柳述元巖曰召我兒述等將呼太子上曰勇也述巖出閣為敕書素聞以白太子矯詔執述巖繫獄命右庶子張衡入殿侍疾盡遣後宮出就別室俄而上崩故中外頗有異論陳夫人聞變戰栗失色補平聲申時後太子封小金合同遣使者賜夫人夫人以為鴆見十一卷毒懼甚發之乃同心結也夫人恚而却坐不肯致謝諸宮人共

逼之乃拜使者其夜太子丞焉上淫日丞明日發喪即位

會楊約素弟時為伊州刺史。伊州。即伊吾盧地。見二二卷。來朝太子遣約

入長安矯稱高祖之詔賜故太子勇死益意殺之追

封為房陵今湖廣鄖陽府房縣王不為去聲置嗣除述巖名徙之

嶺南今廣東

遂昌尹氏曰弒逆天下之大惡覆載之所不容況太子有父之親有君之尊其可輕加惡名使之為萬世之罪人哉煬帝之事按之分注參之通鑑止謂中外頗有異論及考以北史隋史亦皆不載其事獨宣華夫人陳氏傳所述與通鑑略同然皆不敢止名定罪今綱目乃大書楊廣弒父與君之事揭而名之豈亦別有據邪始嘗疑之不得其的既而推考至大業八年殺張衡

隋高祖

二七

楊廣弒逆之獄至是始得其正  
天使賊黨  
正楊廣大  
逆之誅  
許世子止  
不嘗藥而  
受惡名

綱冬十月葬泰陵在西安府武功縣  
綱十一月帝如洛陽日  
之曰衡臨死大言曰我為人作何等事而望久  
活監刑者塞耳促令殺之嗚呼楊廣弒逆之獄  
至是始得其正矣當廣令張衡入殿侍疾之時  
盡遣後宮出就別室俄而上崩是衡之為逆蓋  
無一人在旁得知之者迨其臨刑之際始大言  
而發其姦此則天使賊黨正楊廣大逆之誅耳  
綱目正名定罪直筆書之固非若許世子止之  
不嘗藥而受此惡名者得而嗚呼楊廣弒逆之  
既明則義兵可舉人人得而誅之春秋昭公十九  
其君買胡傅按左氏許悼公瘞飲世子止之藥  
卒書曰弒其君者止不嘗藥也君有疾飲藥臣  
先嘗之父有疾飲藥子先嘗之蓋言慎也藥不  
先嘗而誤進於君是有忽君父之心而不慎矣  
忽君父而不慎此篡弒之萌堅冰之漸春秋之  
所謹也書許世子止弒君乃除惡於微之意也

以洛陽為東京

命楊素營東京宮室

章仇複太翼言於帝曰陛下木命雍州即西為破木  
之衝不可久居又讖云脩治洛陽還晉家帝以為然  
遂幸洛陽今河南河南府洛陽縣畱晉王昭守長安綱陳叔寶  
卒以洛陽為東京  
煬恙帝名廣高祖第二子初封晉王高祖廢勇立為太子尋弒父殺兄而自立在位十二年為宇文化及所弒壽三十九歲  
綱乙丑煬帝大業元年春正月立皇后蕭氏立晉  
王昭為皇太子二月以楊素為尚書令綱三月命  
楊素營東京宮室綱詔楊素營東京役丁二百萬人

綱鑑易知錄 卷四十一 隋煬帝 二八

蘇... 卷... 十...

敕將作大匠見二十三卷宇文愷與內史舍人封德彝等

營顯仁宮在洛陽發江嶺之閒奇材異石輸之洛陽

又求海內嘉木異草珍禽奇獸以實苑囿綱開通濟

渠引汴水開邗溝置離宮造龍舟目命尚書右丞

皇甫議發丁百萬開通濟渠即汴河引汴見三四卷入

泗見三五卷以達於淮見同上又發民十萬開邗溝在江

州府城北昔吳王夫差築邗城入江溝實實云未廣

四十步傍築御道樹以柳自長安隋都今陝西至

江都今揚州府置離宮四十餘所遣黃門侍郎王弘

置離官四十餘所

開通濟渠  
開邗溝

築西苑

海  
三神山

渠  
十六院

剪絲為花  
荷葉菱芡

清夜遊曲

等往江南造龍舟及雜船數萬艘搜。船名官吏督役

嚴急役丁死者什四五綱夏五月築西苑在洛陽縣日苑

周二百里其內為海周十餘里為方丈蓬萊瀛洲三神

山名見八卷五諸山高百餘尺臺觀貫宮殿羅絡山上海北

有渠縈紆注海內緣渠作十六院門皆臨渠每院以

四品夫人主之窮極華麗宮樹凋落則剪絲為花葉

綴拙之洛內亦剪絲為荷菱芡件。四角菱日

色渝也則易以新者十六院競以散羞精麗相高求

市恩寵上好以月夜從宮女數千騎遊西苑作清夜

綱鑑易知錄

卷四十一 隋煬帝

二九

幸江都御  
龍舟

遊曲於馬上奏之。綱秋八月帝如江都。目上幸江都。  
見御龍舟。龍舟四重。高四十五尺。長二百尺。上重有  
上殿內殿。朝堂中二重。有百二十房。下重  
內侍用挽士八萬餘人。船逐船後。艦處。船頭刺  
處之。用挽士八萬餘人。船逐船後。艦處。船頭刺  
威權音巢。相接二百餘里。騎兵翊兩岸而行。所過  
去聲。楫也。州縣五百里內。皆令獻食。多者一州。至百輦。  
輿。兩  
車極水陸珍奇。後宮厭飫。於去將發之際。多棄埋之。  
綱丙寅二年春二月。新作輿服儀衛。目課州縣送羽  
毛。民求捕之。殆無遺類。烏程。今浙江湖州。有高樹踰  
百尺。上有鶴巢。民欲取之。不可。乃伐其根。鶴恐殺其

鶴自拔斃  
毛板地

子自拔斃。鶴羽。毛投於地。時人或稱以為瑞。綱夏四  
月。還東京。六月。以楊素為司徒。秋七月。太子昭

始建進士  
科

卒。綱始建進士科。後世進士。綱楊素卒。書楊素何司  
則曷為不具官。貶也。目越公素為帝所猜忌。太史言

隋分野。禮春官保章氏。以星土辨九州之  
地。所封封域。皆有分星。以觀妖祥。有大喪。乃

徙素為楚。今江南淮安。公意楚與隋同分。欲以厭  
也。當之。素寢疾不肯餌藥。曰。我豈須更活邪。綱八月封

孫佺。談。為燕王。侗。通。為越王。侑。皆昭之子也。綱  
冬十月。置洛口回洛倉。目置洛口倉於鞏。今河南河

置洛口回  
洛倉

綱監易知錄

卷四十一 隋煬帝

三十

南府鞏縣東南原上城周二十餘里穿三千窖教置回洛

倉於洛陽北七里城周十里穿三百窖窖皆容八千

石綱徵天下散樂初齊高緯之世有魚龍山車等戲

欲以富樂誇之於是徵四方散樂大集東京

綱丁卯三年春正月突厥啓民可楷汗寒來朝可汗猶漢

言天子開皇十九年以突厥突利可汗爲啓民可汗妻以義成公主處之朔州綱夏四月詔

頒新律牛弘等所造大業律十八篇也綱改州爲郡綱六月帝北巡

次榆林郡今陝西都司榆林衛啓民可汗及義成公主來朝吐

谷渾西域國名高昌見四十四卷十一皆入貢綱秋七月築長城自

徵天下散樂

北巡

築長城

詔發丁男百餘萬築長城西距榆林東至紫河在山西大

同府西北蘇威諫不聽綱殺太常卿高頴憬尚書字

文弼弼光祿大夫賀若弼目帝之徵散樂也太常卿

高頴諫不聽退謂丞李懿曰周天元見上卷二十九以好樂

而亡殷鑒不遠安可復爾又以帝遇啓民過厚謂何

稠曰此虜頗知中國虛實山川險易恐爲後患宇文

弼私謂頴曰天元之侈以今方之不亦甚乎賀若弼

亦私議宴可汗太侈並爲人所奏帝以爲誹謗朝政

皆殺之頴有文武大略明達世務以天下爲己任蘇



幸啓民帳

威揚素賀若弼韓擒虎皆頌所薦及死天下莫不傷之綱八月帝至金河在大同府大同縣東南一百五十里幸啓民可汗

帳目車駕發榆林甲士五十餘萬旌旗輜重載衣千

里不絕帝幸啓民廬帳漢書所謂穹廬也顏師古曰穹廬旗帳也其形穹隆故曰

營晉陽宮

啓民奉捧觴上壽帝大悅綱還至太原今山西太原府營

宴張衡宅

晉陽宮見三十八卷二十綱宴御史大夫張衡宅目至濟源幸

衡宅畱宴三日綱遂還東都即東發自發榆林至還

事耳而屢書於冊何哉書幸啓民帳所以見其務勤遠略之實書營晉陽宮所以見其峻宇雕牆之實書

宴張衡宅所以見其私昵寵臣深德其弒奪之實凡此類一事則有一義固不以其亂亡不道之故而盡

經略西域

略之也綱冬以裴矩為黃門侍郎經略西域法書特筆也

裴矩首唱遠略

何罪開邊也自矩首唱遠略通西域目西域諸胡多征高麗而天下怨毒遂至於亡矣

至張掖今陝西行都司甘肅州交市帝使吏部侍郎裴矩掌之

裴矩奏西域圖記

矩知帝好遠略訪諸商胡以其國山川風俗撰西域圖記二卷入朝奏之且云今羌胡之國並因商人密

送誠款引領翹舉首願為臣妾若服而撫之務存安

輯混一戎夏其在茲乎帝大悅矩因盛言胡中多諸

珍寶帝於是慨然將通西域以矩為黃門侍郎復使

至張掖引致諸胡淡之也餽之以利勸令入朝自

綱鑑易知錄

是西域諸胡往來相繼所經郡縣糜費以萬萬計卒令中國疲弊以至於亡矩唱之也

尺木堂綱鑑易知錄卷四十

尺木堂綱鑑易知錄卷四十一

周之炯靜專

通鑑綱目定本

山陰吳乘權楚材同輯

周之燦星若

隋紀

煬帝

綱目已巳五年春正月改東京見上卷二八為東都綱目禁民

閒兵器見上卷十鐵叉搭鉤續小稍刃之類皆禁

之綱目三月帝巡河右即河西見上卷六夏四月遣兵擊吐谷

巡河右

綱鑑易知錄

卷四十一 隋煬帝

卷四十一 隋煬帝

渾見上卷不克西域諸國來朝獻地置西海等郡

冬十一月還東都綱殺司隸大夫薛道衡目道衡以

才學有盛名自潘州質實云未詳沿革刺史名還上高祖頌

帝不悅曰此魚藻之義也詩小雅魚藻篇刺幽王也言魚以依藻為得其性今

王政教衰羣生不得其所故思古之武王拜司隸大

夫將罪之司隸刺史房彥謙勸以杜絕賓客卑辭下

氣道衡不能用會議新令久不決道衡謂人曰向使

高頴不死令決當久有人奏之帝怒付執法者推之

御史大夫裴蘊奏道衡負才悖逆有無君之心縊意

此魚藻之義

殺之

陳百戲于端門

綱庚午六年春正月諸蕃來朝陳百戲于端門以示

之目帝以諸蕃會長畢集洛陽陳百戲於端門街執

絲竹者萬八千人自昏達旦終月而罷所費鉅萬自

是歲以為常諸蕃請入豐都市交易許之先命整飾

店肆盛設帷帳珍貨充積人物華盛胡客過酒食

店悉令邀入醉飽而散不取其直價也給臺上聲之曰

中國豐饒酒食例不取直胡客皆驚歎其黠閉入聲者頗覺之見以繪情帛纏樹曰中國亦有貧者衣不

繪帛纏樹

酒食不取直

如江都

蓋形何如以此物與之纏樹何為市人慙不能答帝  
 稱裴矩見上卷未之能謂羣臣曰裴矩大識朕意凡所陳  
 奏皆朕之成算而未發者自非奉國盡心孰能若是  
 綱三月帝如江都見上卷九除榆林太守張衡名以  
 王世充領江都宮監目初張衡諫營汾陽今山西太原府  
 陽曲大業四年夏四宮月營汾陽宮帝意不平乃出為榆林見上卷三  
 太守久之敕督役江都宮禮部尚書陽玄感素之子奏之江  
 使至江都衡謂之曰薛道衡真為枉死玄感奏之江  
 都郡丞王世充文奏衡頻減頓頓具供具帝怒除名為

徵高麗王入朝不至

民以世充領江都宮監世充本西域胡人姓支氏父收幼從母嫁王氏因冒其姓  
 世充性譎詐有口辯頗涉書傳好兵法習律令帝數  
 幸江都世充能伺候顏色雕飾池臺奏獻珍物由是  
 有寵綱冬十二月文安今直隸順天府文安縣侯牛弘卒目弘寬  
 厚恭儉學術精博隋室舊臣始終信任悔吝不及者  
 一人而已弟弼虛去聲酒射石殺弘駕車牛弘自  
 外還其妻迎謂之曰叔射殺牛弘無所問直云作脯  
 坐定其妻又言弘曰已知之矣顏色自若讀書不輟  
 綱徵高麗離王元入朝不至目帝之幸啓民帳見上卷三  
 一也高麗東胡國名本箕子所封使者在啓民所啓

綱鑑易知錄 卷四十一 隋煬帝 三

帝自將擊高麗

民不敢隱與之見帝裴矩說帝曰高麗漢晉皆為郡縣今乃不臣先帝欲征之久矣今其使者親見啓民舉國從化可因其恐懼脅使入朝帝從之使牛弘宣旨令使者還語高麗王入朝至是不至乃謀討之綱辛未七年春二月帝自將擊高麗夏四月至臨朔宮徵天下兵會涿郡今直隸順天府涿州帝御龍舟渡河遂下詔討高麗敕幽州即順天府總管元弘嗣往東萊今山東萊州海口造船三百艘搜之總名官吏督役晝夜立水中不敢息自腰以下皆生蛆疽死者什三四又敕河南

底柱崩

知世郎無向遼東浪死歌

淮南江南造戎車五萬乘發江淮以南民夫及船運黎陽倉名在直隸大名府濬縣及洛口亦倉名見上卷三十諸倉米舳舻見上卷二千里往還常數十萬人晝夜不絕死者相枕去聲天下騷動綱冬十月底柱山名在河南河南府陝州城東四十里黃河中禹貢東至于底柱石崩綱王薄張金稱高士達竇建德等形如柱故名綱兵起何賊廣也自是凡起兵窮困始相聚為羣盜鄒平今山東濟南府鄒平縣民王薄擁衆據長白山在濟南府長山縣自稱知世郎言事可知矣又作無向遼東古郡名高麗地屬焉今盛京浪死歌以相感動避征役

綱鑑易知錄

卷四十一

隋煬帝

四

長樂王竇  
建德後改  
號夏

者多往歸之。漳南漳水之南在直隸順德府平鄉縣人竇建德少尚  
氣俠膽力過人。會募人征高麗。建德以選為二百人  
長。同縣孫安祖亦以驍勇選為征士。縣令笞之。安祖  
殺令亡。抵建德。建德謂曰：丈夫不死，當立大功。豈可  
但為亡虜邪？乃集無賴少年得數百人，使安祖將之。  
入高雞泊質實云未詳處所中為羣盜。時鄆今山東東昌府夏津縣  
人張金稱聚眾河曲今山西太原府河曲縣。蔣條。今直隸人  
高士達聚眾於清河今東昌府恩縣。郡縣疑建德與賊通，悉  
收其家屬殺之。建德帥麾下二百人亡歸士達。士達

自稱東海

今江西南淮安府海州

公以建德為司兵。頃之，安祖為

金稱所殺。其眾盡歸建德。建德兵至萬餘人。建德能  
傾身接物，與士卒均勞逸。由是人爭附之。為之致死。

綱壬申八年春正月遣諸軍分道擊高麗。綱三月諸

軍度遼水

源出遼東行都司塞外自三萬衛西北入境南流經鐵嶺瀋陽廣寧三衛境又南至

海州衛西

擊敗高麗兵遂圍遼東

見綱夏六月帝至

九軍大敗  
而還

遼東攻城不克。綱秋七月將軍宇文述等九軍大敗

於薩水

在遼東都司城東北五百六十里鴨綠江東平壤城西

而還。初九軍度

萬五千人及還至遼東唯

綱九月帝還東都慰撫使

張衡臨死  
大言

劉士龍伏誅。諸將皆除名。綱殺張衡。法書張衡何親行。為不書伏誅。所以蔽罪於楊廣也。然則不具官何衡嘗除名矣。自衡既放廢。見上帝每命親人覘。諸平去二聲。窺視也。之。及還自遼東。衡妾告衡。怨望謗訕。詔賜自盡。衡臨死大言曰。我為人作何等事。而望久活。見上卷二。尹氏斷。監刑者塞耳。促令殺之。

帝復自將  
擊高麗

綱癸酉九年春正月。命代王侑留守西京。自以刑部尚書衛文昇輔之。綱二月復宇文述官爵。綱三月帝復自將擊高麗。命越王侗留守東都。自帝議復伐高麗。光祿大夫郭榮諫曰。千鈞之弩。不為駮鼠。鼠小鼠也。

魏公李密

李密乘黃  
牛讀漢書

發機。奈何親辱萬乘。以敵小寇乎。不聽而行。命民部尚書樊子蓋輔。伺守東都。綱夏四月。帝度遼水。遣諸將擊高麗。綱六月。楚公楊玄感起兵黎陽。圍東都。自玄感。素之子。驍勇。便騎射。好讀書。喜賓客。海內知名之士。多與之遊。蒲山。質實云。縣名。未詳處所。公李密。襲父蒲山公爵。少有才略。志氣雄遠。輕財好士。為左親侍。帝見之。謂宇文述曰。左仗下黑色小兒。瞻視異常。勿令宿衛。述乃諷密使稱病自免。密遂屏。丙人事。專務讀書。嘗乘黃牛讀漢書。楊素遇而異之。與語大悅。謂玄感等曰。汝等

不及也。由是玄感與為深交。初玄感以朝政日紊，與諸弟潛謀作亂。至是帝命玄感於黎陽。今直隸大名府濬縣督運。六月玄感入黎陽，選運夫少壯者得五千餘人，刑三牲誓衆，且諭之曰：「主上無道，不以百姓為念，天下騷擾，死遼東者以萬計。今與君等起兵以救兆民之弊，何如？」衆皆踊躍稱萬歲。乃勒兵部分，先是玄感陰遣名李密，密至玄感大喜，問計。密曰：「天子出征，遠在遼外，去幽州。今直隸順天府猶隔千里，公擁兵出其不意，長驅入薊。計。今順天府大興縣扼其咽喉，高麗聞之，必躡其後。

不過旬日，資糧皆盡，其衆不降則潰。會可不戰而擒。

此上計也。玄感曰：「更言其次。」密曰：「關中。隋西京今陝西西安府

四塞。四面有山河之固天府。天所造之府之國，雖有衛文昇不足

為意。今帥衆鼓行而西，經城勿攻，直取長安。即關中今西安

府長安縣收其豪傑，撫其士民，據險而守之。天子雖還失

其根本，可徐圖也。玄感曰：「更言其次。」密曰：「簡兵倍道，

襲取東都，以號令四方，但恐先已固守，若引兵攻之，

百日不克，天下之兵四面而至，非僕所知也。玄感曰：

不然。今百官家口並在東都，若先取之，足以動其心。



以李淵為弘化畱守

且經城不拔。何以示威。公之下計。乃上策也。遂引兵向洛陽。圍東都。綱帝引軍還。遣宇文述來護兒等擊楊玄感。綱秋七月。楊玄感引兵趣潼關。在河南河南南府閩鄉縣。閩音焚。八月。宇文述等追之。玄感敗死。綱以唐公李淵為弘化畱守。目帝以衛尉少卿李淵為弘化今陝西慶陽畱守。淵御衆寬簡。人多附之。帝以淵相表奇異。又名應圖讖。息之。未幾徵詣行在所。見三三卷五淵遇疾。未謁。其甥王氏在後宮。帝問曰。汝舅來何遲。王氏以疾對。帝曰。可得死否。淵聞之懼。因縱酒納賂。以自晦。綱

空梁落燕泥。庭草無人隨意綠。

殺楊玄感。黨與三萬餘人。目帝使御史大夫裴蘊等推玄感黨與。謂曰。玄感一呼而從者十萬。益知天下人不欲多。多即相聚為盜耳。不盡加誅。無以懲後。由是所殺三萬餘人。枉死者大半。玄感之圍東都也。開倉賑給百姓。凡受米者皆阮銓之。於都城之南。玄感所善文士王胄。坐徙邊亡命。見二五卷八捕得誅之。帝善屬祝文。不欲人出其右。薛道衡死。帝曰。更能作空梁落燕泥否。胄死。帝誦其佳句曰。庭草無人隨意綠。復能作此語邪。帝自負才學。每驕天下之士。常謂侍臣

日。天下皆謂朕承藉緒餘而有四海。設令朕與士大夫高選亦當為天子。謂祕書郎虞世南曰。我性不喜人諫。若位望通顯而諫以求名者。彌所不耐。至於卑賤之士。雖少寬假。然卒不置之地上。汝其知之。

徵天下兵伐高麗

綱甲戌十年春二月。徵天下兵伐高麗。三月。帝如涿

郡。見上卷秋七月。次懷遠鎮。實實云未詳處所高麗遣使請降。

綱冬十月。還西京。綱十二月。帝如東都。殺太史令庾

質。帝將如東都。太史令庾質諫曰。比歲伐遼。民實勞弊。陛下宜鎮撫關內。使百姓盡力農桑。三五年間

四海稍豐實。然後巡省。於事為宜。帝怒。下質獄。殺之。

綱乙亥十一年春二月。孔雀集朝堂。百官稱賀。目有

二孔雀。文禽。廣益。諸州所產。自西苑。見上卷飛集朝堂。親衛校

尉高德儒等十餘人見之。奏以為鸞。時孔雀已去。無

可得驗。於是百官稱賀。拜德儒朝散大夫。賜物百段。

綱夏四月。帝如汾陽宮。見上卷綱以李淵為山西今山西

河東今山西平陽府撫慰大使。綱秋八月。帝巡北邊。突厥始

畢。可汗見上卷入寇。帝入鴈門。始畢圍之。九月。乃解。

綱帝巡北邊。始畢啓民可汗帥騎數十萬。謀襲乘輿。

高德儒指孔雀為鸞

如汾陽宮

巡北邊

唐太宗李世民

義成公主見同先遣使者告變。車駕馳入鴈門。今山西太原府突厥圍鴈門。詔天下募兵守令競來赴難。李淵之子世民年十六。應募隸屯衛將軍雲定興。說之曰。始畢敢舉兵圍天子。必謂我倉猝不能赴援。故也。宜晝則引旌旗令平數十里不絕。夜則鉦征。鏡也。鐃似鉦。鐃似小鐘。鐃以止鼓。鐃以節鼓。鐃音撓。鐃音濁。鼓相應。虜必謂救兵大至。望風遁去。定興從之。諸郡援兵亦至。九月始畢解圍去。**綱**冬十月帝還東都。詔江都更造龍舟。見上卷**綱**城父見三一朱粲兵起。卷二八

蘇威引身隱柱

**綱**丙子十二年。楚帝林士弘太平元年春正月分遣使者發兵擊諸起兵者。謂諸起兵者何惡廣也。綱目賊廣改不也。凡書起兵者。綱目賊廣改不也。皆以自敗為文。**綱**夏四月大業殿火。五月朔日食。既。書食既大變也。開一歲而隋亡矣。綱目書食既。漢明帝見二無不有應者免者其惟漢明帝乎。註一卷二六。**綱**除納言蘇威名。帝問侍臣盜賊翊衛大將軍宇文述曰。漸少。納言蘇威引身隱柱。帝呼問之。對曰。臣非所司。不喻多少。但患漸近。帝曰。何謂也。威曰。他日賊據長白山。見上今近在汜。似水。源出開封府汜水縣西方。山東南流入黃河。且往日租賦丁役。今皆何在。豈

綱監易知錄

卷四一

隋煬帝

十一

蘇威獨獻  
尚書

如江都

非其人皆化為盜乎。帝不悅。屬祝五月五日百僚多饋珍饈。玩威獨獻。尚書或譖之曰：尚書有五子之歌。見一卷。威意甚不遜。帝益怒。頃之。帝問威以伐高麗事。威欲帝知天下多盜。對曰：今茲之役。願不發兵。但赦羣盜。自可得數十萬。遣之東征。高麗可滅。帝不懌。威出。裴蘊奏曰：此大不遜。天下何處有多許賊。帝曰：老革。革皮也。老革皮色枯痺之形。一說革兵也。老革猶言老兵。多姦以賊勝我。蘊遣河南白衣張行本奏威昔典選濫授人官。案驗獄成。詔除名為民。綱。秋七月。帝如江都。命越王侗留守。

殺諫者任宗。崔民象主愛仁。目江都龍舟見上。成送東都。宇文述勸幸江都。帝從之。建節尉任宗上書極諫。即日於朝堂杖殺之。遂幸江都。命越王侗與光祿大夫段達等總留後事。奉信郎崔民象以盜賊充斥於建國門上表諫。帝大怒。先解其頤。然後斬之。至汜水。見上。奉信郎王愛仁復上表請還西京。斬之。綱。冬十月。許公宇文述卒。目初述子化及智及皆無賴。化及事帝於東宮。帝寵昵。銀入聲。親近也。之。從幸榆林。見上卷化及智及冒禁與突厥交市。帝怒。將斬之。既而釋之。

述卒帝復以化及為右屯衛將軍智及為將作少監

綱翟讓李密起兵攻滎陽張須陁擊之敗死

城故城在直隸大名府滑縣翟讓為東郡今山東東昌府法曹坐事當斬

亡命於瓦崗質實云未詳處所為羣盜同郡單雄信驍健善

馬槊屬子聚少年往從之離狐故城在山東兗州府曹縣徐世勣年

十七有勇略說讓剽行舟商旅讓資用豐給附者益

衆至萬餘人時又有外黃故城在河南開封府杞縣王當仁濟陽

等皆擁衆為盜李密自雍丘亡命初楊玄感兵敗密被執以計亡去聚

徒教授郡縣捕之又亡抵其妹夫雍丘令丘君明君

明轉寄於遊俠王秀才家事覺帝令捕之值密出外

獲免往來諸帥聞說以取天下之策始皆不信久之

稍以為然相謂曰今人皆云楊氏將滅李氏將興吾

聞王者不死斯人謂李密再三獲濟見豈非其人乎由

是漸敬密密察諸帥唯翟讓最彊乃因王伯當以見

讓為讓畫策說讓先取滎陽今開封府滎陽縣於是攻滎陽

諸縣多下之帝以張須陁為滎陽通守即今通判以討之

密分兵千餘人伏林間掩之須陁敗死河南郡縣為

林士弘稱

之喪氣綱十二月鄱陽今江西饒州鄱陽縣林士弘稱楚

綱蓋易知象

卷四一

隋煬帝

十一

虞世基詩  
飛揚義臣  
兵

帝據江南。綱以李淵為太原。今山西太原府留守。擊甄真翟翟兒。四月甄翟見攻太原破之。綱太僕楊義臣擊張金稱高士達。斬之。實建德收其眾取饒陽。今直隸真定府饒陽縣詔罷義臣兵。內史郎虞世基以帝惡聞盜賊。諸將有告敗求救者。皆不以聞。或杖其使者。以為妄言。由是盜賊徧海內。帝皆弗之知。楊義臣破降河北賊數十萬。列狀上聞。帝歎曰。我初不聞賊頓如此。義臣降賊何多也。世基對曰。小竊雖多。未足為慮。義臣克之。擁兵不少。久在閩外。見卷七此最非宜。帝曰。卿言是也。遂追義

至江都

臣。放散其兵。賊由是復盛。綱帝至江都。詔李淵擊

突厥。

綱丁丑十三年。恭帝侑義寧元年。長樂王實建德

周天興元。梁王梁師都未隆元。秦王薛舉秦與元。梁王蕭銑鳴鳳元。是歲并楚。凡八國。春正月。

實建德稱  
長樂王

實建德稱長樂王。綱二月。馬邑。今山西大同府馬邑

校尉劉武周。朔方。今陝西寧夏衛郎將梁師都各據郡起

兵。綱翟讓李密據與洛倉。在洛陽縣北擊敗東都兵。讓推

李密稱魏  
公

密稱魏。今直隸大名府公略取河南諸郡。綱三月。突厥立劉

定楊可汗  
劉武周

武周為定楊。今山西汾州府介休縣可汗。見上卷取樓煩。今山西

綱益陽和錄 卷四一 隋煬帝 十三

綱鑑易知錄 卷四十一 隋 楊帝 十四

原府岢嵐州。定襄今太原府定襄縣。鴈門今太原府代州諸郡。綱

梁師都取雕陰今陝西延安府綏德州。弘化今陝西慶陽府。延安即安府。

等郡。自稱梁帝。引突厥寇邊。綱流人郭子和起兵榆

林今陝西都司榆林衛。突厥以為屋利設突厥俗謂別部典兵者日設屋利乃一設。

之。綱夏四月。金城今陝西臨洮府蘭州校尉薛舉起兵隴西今陝。

西鞏昌府。自稱西秦霸王。綱河南討捕使裴仁基以虎牢

卷五。入降李密。密攻東都。入其郭郭也。目密移檄吸。

郡縣。數上。帝十罪。且曰。罄南山之竹。書罪無窮。決東

海之波。流惡難盡。祖君彥璉之子密用為記室之辭也。綱五月。

梁師都稱

薛舉稱西秦霸王

響竹决波

李淵起兵太原

李淵起兵太原。殺副留守王威。高君雅。自初淵娶於

神武今山西大同府山陰縣。肅公竇毅。生四男。建成。世民。玄霸。

元吉。一女。適太子千牛備身千牛備身東宮官名。臨汾今山西平陽府。

縣。柴紹。世民聰明勇決。識量過人。見隋室方亂。陰

有安天下之志。傾身下士。散財結客。咸得其歡心。晉

陽今太原府太原縣。宮見上卷三一。監裴寂。晉陽令劉文静。相與

同宿。見城上烽火。寂歎曰。貧賤如此。復逢亂離。何以

自存。文静笑曰。時事可知。吾二人相得。何憂貧賤。文

靜見李世民而異之。深自結納。謂寂曰。此人雖少。命

劉文静奇李世民

綱鑑易知錄 卷四十一 隋 楊帝 十四

世才也。寂初未然之。文靜坐與李密連昏婚繫獄。世民就省之。文靜曰：天下大亂，非高光漢高之才，不能定也。世民曰：安知其無？但人不識耳。我來相省，非兒女之情，欲與君議大事也。計將安出？文靜曰：今主上南巡江淮，李密圍逼東都，羣盜殆以萬數。當此之際，有真主驅駕而用之，取天下如反掌耳。太原百姓皆避盜入城，文靜為令數年，知其豪傑，一旦收集可得十萬人，尊公所將之兵，復且數萬。一言出口，誰敢不從。以此乘虛入關，號令天下，不過半年，帝業成矣。世

李世民說  
父淵起兵

民笑曰：君言正合我意。乃陰部署賓客。淵不之知也。世民恐淵不從，久不敢言。淵與裴寂有舊，每相與宴語。文靜欲因寂關說，乃引寂與世民交。世民以其謀告之，寂許諾。會突厥寇馬邑，見世民乘閒空閒處屏人說淵曰：今主上無道，百姓困窮，晉陽城外皆為戰場。大人若守小節，下有寇盜，上有嚴刑，危亡無日。不若順民心，興義兵，轉禍為福。此天授之時也。淵大驚曰：汝安得為此言？明日世民復說淵曰：今盜賊徧於天下，大人受詔討賊，賊可盡乎？設能盡賊，則功高

綱鑑易知錄

卷四一

隋煬帝

十五



不賞身益危矣。惟昨日之言可以救禍。此萬全之策也。願大人勿疑淵。乃歎曰：吾一夕思汝言，亦大有理。今日破家亡軀，亦由汝。化家為國，亦由汝矣。先是裴寂私以晉陽宮人侍淵，至是淵從寂飲酒酣，寂從容言曰：二郎謂世民陰養士馬，欲舉大事，正為寂以宮人侍公，恐事覺并誅耳。衆情已協，公意如何？淵曰：事已如此，當復奈何？正須從之耳。及劉武周據汾陽宮，見二世民言於淵曰：大人為畱守而盜賊竊據離宮，不早建大計，禍今至矣。淵乃命世民與劉文靜、長孫順

德、劉弘基等各募兵，遠近赴集，旬日間近萬人。仍密

遣使召建成元吉於河東。今山西平陽府柴紹於長安。今陝西

安府長安縣王威、高君雅見兵大集，疑淵有異志，欲討淵。

淵使世民伏兵於晉陽宮城之外。文靜與弘基、順德

等共執威、君雅繫獄。會突厥數萬衆寇晉陽，衆以為

威、君雅實召之也。於是斬威、君雅以徇。行示突厥大

掠而去。綱六月，李淵遣使如突厥。自六月，建成元吉

與柴紹偕至晉陽，劉文靜勸李淵與突厥相結，資其

士馬以益兵勢。淵從之，自為手啓，卑辭厚禮，遺去始

李淵遣使如突厥

掩耳盜鈴

李世民數斬高德儒

畢可汗九見上始畢復書欲淵自為天子乃以兵馬助之將佐皆喜請從突厥之言淵不可曰諸君宜更思其次裴寂等乃請尊天子為太上皇立代王為帝以安隋室移檄吸郡縣改易旗幟雜用絳白以示突厥淵曰此可謂掩耳盜鈴然逼於時事不得不爾乃許之遣使以此告突厥綱李淵遣世子建成及世民擊西河郡拔之斬郡丞高德儒目西河郡今山西汾州府不從淵命淵使建成世民將兵擊之至西河城下郡丞高德儒閉城拒守攻拔之執德儒至軍門世民數上之

李淵自稱大將軍

曰汝指野鳥為鸞以欺人主取高官九見上吾興義兵正為誅佞人耳遂斬之自餘不戮一人秋毫無犯各慰撫使復業遠近聞之大悅建成等引兵還晉陽往返凡九日淵喜曰以此行兵雖橫行天下可也遂定入關之計綱李淵自稱大將軍開府置官屬綱秋七月李淵引兵至霍邑代王侑遣郎將宋老生將軍屈突複通將兵拒之目李淵以子元吉為太原太守留守晉陽宮帥甲士三萬發晉陽誓眾移檄諭以尊立代王之意西突厥阿史那突厥三字姓大奈儒名也亦帥其

衆以從。淵至西河。見上。慰勞吏民。賑贍貧乏。至賈胡堡。

去霍邑。今山西平陽府霍州。五十餘里。代王侑遣郎將宋老生。

帥精兵二萬屯霍邑。大將軍屈突通將驍果數萬屯

河東。即平陽府。以拒淵。會積雨。淵不得進。劉文靜至突厥。

見始畢可汗請兵。淵以書招李密。密自恃兵彊欲為

盟主。復書曰。所望左提右挈戮力并力也。同心執子嬰

於咸陽。見八卷。殪滅也。商辛於牧野。見二卷。淵得書

笑曰。密妄自矜大。非折簡猶言半紙。可致。吾方有事關中。

若遽絕之。乃是更生一敵。不如卑辭進

李淵以書招李密  
李密復李淵書

徐觀蚌鷸之勢

獎以驕其志。使為我塞成臯。今河南開封府汜水縣。之道。綴拙

也。東都隋東京。今河南府。之兵。我得專意西征。俟關中平

定。據險養威。徐觀蚌鷸旁去聲。之勢。以收漁人之功。

蚌。蛤也。鷸。知天將雨鳥也。戰國策。趙伐燕。蘇代為燕謂趙惠文王曰。今者臣來過易水。蚌方出曝而鷸啄

其肉。蚌合而拊其喙。鷸謂蚌曰。今日不再。明日不再。即有蚌脯。蚌亦謂鷸曰。今日不出。明日不出。必有死

鷸。蚌鷸不肯相舍。漁人得而并擒之。今趙且伐燕。未燕趙久相支。以敵大眾。臣恐疆秦之為漁父也。未

為晚也。乃復書曰。天生烝民。必有司牧。當今為牧。非

子而誰。老夫年逾知命。願不及此。欣戴大弟。攀鱗附

翼。見十九卷。唯弟早膺圖籙。圖識符籙。以寧兆民。宗盟之長。

李密復李密書

李世民不欲北還

屬籍見容復封於唐斯榮足矣密得書甚喜以示將  
 佐曰唐公見推天下不足定矣自是信使往來不絕  
 兩久不止淵軍中糧乏劉文靜未返或傳突厥與劉  
 武周乘虛襲晉陽淵欲北還裴寂等亦以為隋兵尚  
 彊未易猝下李密姦謀難測武周唯利是視不如還  
 救根本更圖後舉李世民曰今禾菽被野何憂乏糧  
 老生輕躁一戰可擒李密顧戀倉粟未遑遠略武周  
 與突厥外雖相附內實相猜武周雖遠利太原豈可  
 近忘馬邑見上十五本興大義奮不顧身以救蒼生當

先入咸陽

即關中今西安府咸陽縣

號令天下

今遇小敵遽已班

還

也師恐從義之徒一朝解體還守太原一城之地為

賊耳何以自全建成亦以為然淵不聽促令引發世

民將復入諫會淵已寢不得入號哭於外聲聞帳中

淵名問之世民曰今兵以義動進戰則克退還則散

衆散於前敵乘於後死亡無日何得不悲淵乃悟曰

軍已發奈何世民曰右軍嚴而未發左軍去亦未遠

請自追之淵笑曰吾之成敗皆在爾惟爾所為世民

乃與建成分道夜追左軍復還既而太原運糧亦至

不必尊江  
都而立代  
王

李軌稱涼  
王

**綱**武威

今陝西行都司涼州衛

司馬李軌起兵河西

即涼州衛等地自

致堂胡氏曰：武王代商，數紂之罪，則多矣。湯皆  
有之，而紂父殺兄，則紂之所未有，其當討無疑  
矣。李淵聲其大逆不道之罪，而舉兵討之，則雖  
德非成湯，亦無愧於自毫之載。世民不必用宮  
人私侍，以劫父也。不必許為救書，發民以鼓怨  
也。不必推獎李密，以驕其志也。堅守晉陽，收名豪  
傑，厚集其眾，分擊二京，義聲既震，羣盜自下，乃  
遣良將，總銳師，南指揚州，則不逾旬，罪人斯  
得。天下歸唐，其孰能禦之？惜乎世民有安天下  
之志，才足以撥亂而無湯武反身之學。劉文静  
智謀之士耳，裴寂又出其下，故雖乘時舉事，不  
旋踵成功，而用智詐為救書，發民，是年五月，  
術違義理者多矣。**註**裴寂趣李淵起兵，淵乃使  
劉文静詐為救書，發太原等郡民，年二十已  
上，為兵擊高麗，由是入情怊怊，思亂者眾。

薛舉稱秦  
帝

稱涼王

**綱**薛舉自稱秦帝，徙據天水。

今陝西鞏昌府秦州

**綱**八

月，李淵與宋老生戰，斬之，遂取霍邑。

見上**綱**李淵克臨

汾

見上絳郡

今平陽府絳縣劉文静以突厥兵至，遂下韓城。

今陝西西安府韓城縣

**綱**九月，武陽郡降李密。

**綱**武陽

郡丞元寶藏以郡降李密，密以為上柱國，寶藏使其

客鉅鹿。

今直隸順德府

魏徵為啓謝密，且請帥所部南會諸

將取黎陽倉。

見上

密喜，即以寶藏為魏州

即大總管

名徵掌記室。徵少孤貧，好讀書，有大志，落拓不事生

業，始為道士，寶藏名典書記，密愛其文辭，故名之。**綱**

李密名魏  
徵掌記室

李密遣徐世勣取黎陽倉。李密遣徐世勣帥麾下  
 五千人濟河。會元寶藏郝孝德共襲破黎陽倉。據之。  
 開倉恣民就食。浹旬間得勝兵三十餘萬。竇建德朱  
 粲之徒亦遣使附密。泰山今山東濟南府泰安州道士徐洪客  
 獻書於密。以為大眾久聚。恐米盡人散。師老厭戰。難  
 可成功。勸密乘進取之機。因士馬之銳。沿流東指。直  
 向江都。執取獨夫。號令天下。密壯其言。以書招之。洪  
 客竟不出。莫知所之。

徐洪客獻書李密

致堂胡氏曰。洪客之謀奇而正。非惟李密不及。唐初諸人皆不及也。天下未嘗無才。或隱於屠

魏徵徐洪客皆隱黃冠中

取或寄於盜賊。洪客魏徵皆優游黃冠中。而抱匡時之略。懷濟世之具。顧人不能知耳。然李密不足與言。豈洪客未知晉陽與師。或無路以自達。而於密發之邪。以此一言觀之。其冒中之奇固多矣。而迄不自見。豈其不及唐室之興而死歟。抑如黃石公。魯仲連之流歟。嗚呼。其可謂高士。音黃石公。漢張良遊下邳。圯上遇一老人。授矣。註一編書曰。後十三年孺子見我。濟北穀城山下。黃石即我矣。魯仲連見七卷八又十一又十七。

綱馮平翊今陝西西平太守蕭造降於李淵。淵留兵圍河東。自引軍西。目時河東見上未下。三輔見二二豪傑至者日以千數。淵欲引兵西趣長安今西安府。猶豫未決。裴寂曰。屈突通擁大眾。憑堅城。吾捨之而

綱馮平翊

卷四十一 隋煬帝

二七

兵貴神速

去若進攻長安不克退為河東所踵腹背受敵此危道也。不若先克河東然後西上。李世民曰不然。兵貴神速。吾席累勝之威。撫歸附之衆。鼓行而西。長安之人望風震駭。智不及謀。勇不及斷。取之若振稿葉耳。若淹留自弊於堅城之下。彼得成謀。脩備以待。我坐費日月。衆心離沮。則大事去矣。且關中即西蜂起之將。未有所屬。不可不早招懷也。屈突通自守虜耳。不足為慮。淵、兩從之。留諸將圍河東。自引軍而西。綱李淵、濟河。遣建成守潼關。世民徇渭北。目李淵帥諸軍

濟河。關中士民歸之者如市。淵遣世子建成劉文靜

帥王長諧等諸軍屯永豐倉守潼關。在西安府華陰縣東以備

東方兵。世民帥劉弘基等諸軍徇日行定渭渭渭水出陝西臨洮

府渭源縣鳥鼠山至此冠貫氏今山東東長子志寧

安養質實云縣名尉顏師古及世民婦長孫兄長孫

無忌朝邑縣志寧師古皆以文

學知名。無忌乃有才略。淵皆禮而用之。綱柴紹妻李

氏及李神通段綸各起兵以應李淵。關中羣盜悉降

於淵。目柴紹之赴太原也。見上其妻李氏淵歸鄠戶

子志寧類  
師古長孫  
無忌皆歸  
李淵

隋場帝

縣今西安別墅汝。墅。田廬也。散家貲聚徒衆淵從弟神通

亦在長安亡入鄂縣山中與長安大俠史萬寶等起

兵以應淵神通衆踰一萬以令狐德棻焚為記室左

親衛段綸娶淵女亦聚徒於藍田今西安府藍田縣得萬餘

人各遣使迎淵淵使柴紹將數百騎迎李氏關中羣

盜皆請降綱冬十月李淵合諸軍圍長安目淵進屯

馮翊見世民所至吏民及羣盜歸之如流世民收其

豪俊以備僚屬李氏將精兵萬餘會世民於渭北與

娘子軍

柴紹各置幕莫府古者出征以幕帳為府署故稱號娘子軍隰習城

房玄齡今山西汾州

尉房玄齡謁世民於軍門世民一見如

舊識署記室參軍引為謀主玄齡罄竭心力知無不

為淵引軍西行十月至長安命諸軍進圍城綱蕭銑

蕭銑稱梁

先上聲。後梁宣帝蕭王起兵巴陵今湖廣岳州自稱

梁王綱十一月李淵克長安殺留守官陰世師等十

餘人目李淵克長安迎代王見上於東宮遷居大興

約法十二條悉除隋苛禁

殿後聽慮與民約法十二條悉除隋何苛虐也禁淵之

起兵也留守官發其墳墓毀其五廟至是衛文昇見

已卒執陰世師等十餘人斬之餘無所問馬邑見



十郡丞三源

今西安府三原縣

李靖素與淵有隙淵將斬之

靖大呼曰公興義兵欲平暴亂乃以私怨殺壯士乎

世民為之固請乃捨之世民因召置幕府靖少負志

氣有文武才略其舅韓擒虎每撫之曰可與言將帥

之略者獨此子耳綱李淵立代王侑為皇帝尊帝為

太上皇侑時年十三書尊帝何見唐兵之不以討賊名

唐之尊之也唐不正名自是綱目綱淵自為大丞相

書自為大丞相書追諡皆無隱矣綱淵自為大丞相

封唐王以建成為唐王世子世民為秦公元吉為齊

公發鳴呼唐室之興庶幾乎正矣乃狂於見閭之故

李靖有文武才略

幼君以輔之自為大丞相加殊禮然後取焉曷不於  
起兵之初傳檄天下聲隋廣滅逆之罪數其淫虐之  
惡播告四方與甲民問罪之師豈不名正而言順理  
直而氣壯哉則其得國也雖不能如湯武之正然亦  
庶幾矣惜乎一時君臣不明大義此其創業所以不  
及漢高也歟然其得國比之於他則固優矣綱目詳  
而書之其綱十二月唐王淵追諡其大父虎為景王

考兩為元王夫人竇氏為穆妃綱河池今陝西漢中府鳳縣太

守蕭瑀與以郡降唐唐以瑀為禮部尚書封宋國公綱屈突通降唐

唐遣通招河東見上一通守通判堯君素不下

恭帝侑煬帝之孫太子昭之第三子昭卒封為代王

為鄴國公年十五歲而薨

堯君素守河東

綱

卷四十一

隋恭帝侑二四

綱目 戊寅 隋恭帝侑義寧二年恭帝侗皇泰元年唐高祖神堯皇帝李淵武德元年夏王竇建德

五鳳元涼王李軌安樂元楚王朱粲昌達元年是歲并楚士弘魏定楊梁師都秦梁銑凡十二國隋煬帝廣恭帝春正月唐王淵自加殊禮見三四綱三月

隋宇文文化及弒其君廣於江都立秦王浩日煬帝至江都荒淫益甚酒卮支飲不離口然見天下危亂

亦不自安退朝則幅巾短衣徧歷臺閣蛤汲汲顧景

外間大有日光唯恐不足常仰視天文謂蕭后曰外間大有人

圖儂農與然且共樂飲耳因引滿沉醉又引鏡自

照曰好頭頸誰當斫斫也刀之后驚問故帝笑曰貴

汲汲顧景

外間大有

人圖儂

引鏡自照

賤苦樂更耕迭為之亦復何傷郎將趙行樞請以許

公字文化及為主化及聞之變色流汗既而從之郎

將司馬德戡遂引兵自玄武門入直閣裴虔通逼帝

出宮露刃侍立帝歎曰我何罪至此賊黨馬文舉曰

陛下違棄宗廟巡遊不息外勤征討內極奢淫四民

喪業盜賊蜂起專任佞諛飾非拒諫何謂無罪帝曰

我實負百姓至於爾輩榮祿兼極何乃如是虔通欲

遂弒帝帝曰天子死自有法何得加以鋒刃取鴆酒

見十一卷一 來文舉等不許使令狐行達意殺之化及

許善心死  
節許母

蕭銑稱皇  
帝

自稱大丞相。總百揆。以皇后令立秦王浩為帝。化及  
之入朝堂也。百官畢賀。蘇威亦往。給事郎許善心獨  
不至。化及殺之。其母范氏年九十二。撫柩不哭。曰。吾  
有子矣。不食而卒。唐主聞變。慟哭曰。吾北面事人。失  
道不能救。敢忘哀乎。追諡曰煬。綱唐王淵自為相國。  
加九錫。字文化及。發江都。綱隋吳興。今浙江。太守  
沈法興起兵。綱字文化及。據江表十餘郡。綱夏四月。宇文  
化及至彭城。今江西南。魏公密拒之。化及引兵入東郡。  
綱梁王銑稱皇帝。綱梁王蕭銑即帝位。置百

官徙都江陵。

見三九卷七

脩復園廟。引岑文本為中書侍

郎。委以機密。

綱

五月。唐王淵稱皇帝。

書漢唐皆以兵取天下者也

漢高祖書即皇帝位。此其書稱皇帝何。唐之兵不以

討賊名也。故綱目書自為大丞相。封唐王。書自加殊  
禮。書自為相國。加九錫。書稱皇帝。與魏。綱隋恭帝禪  
晉以下無異矣。九錫見十八卷二十九。綱隋恭帝禪

位於唐。唐王即皇帝位。推五運為土德。色尚黃。綱唐

罷郡置州。以太守為刺史。綱隋越王侗稱皇帝。綱東

都留守官聞煬帝凶問。奉越王侗即位。段達王世充

為納言。元文都為內史。令共掌朝政。綱書昭烈之立也。

則賊也。其子孫豈得與昭烈比哉。綱目立書稱皇帝。

綱隋恭帝傳

卷四

隋恭帝傳

二七

弒書隋主列國之也。綱突厥遣使如唐。目時突厥疆盛。唐初起

兵資其兵馬前後餉遺。去聲不可勝升紀。突厥恃功驕

倨。每遣使者至長安。多暴橫。唐主優容之。綱唐定律

令置學校。發秦人焚書院儒。至漢始開學校。隋人廢

而隆汗而漢唐之所立國。目命裴寂劉文靜等脩

律令行之。置國子太學四門生三百餘員。郡縣學亦

置生員。綱六月唐以秦公世民為尚書令。裴寂為右

僕射。夜知政事。劉文静為納言。竇威蕭瑀為內史令

綱唐立四親廟。追尊皇高祖。熙曰宣簡公。皇曾祖天

本

秦王當有天下無疑

祖皇考。昞曰元皇帝。廟號世祖。妣皆為后。諡妃竇氏曰穆皇后。綱唐立世子建成為

皇太子。世民為秦王。元吉為齊王。

遂昌尹氏曰。觀高祖之得天下。大抵出於秦王

也。使無秦王。高祖且不得安其祿位。保其身家。

況有天下之大哉。高祖有言。今日破家滅軀。亦

由汝化家為國。亦由汝是。則唐三百年之基業。

肇於秦王。其當有天下無疑也。高祖於是時。蓋

名建成。明諭以其基業所由興之故。非世民無

以有今日。俾其明白推讓。則建成有讓國之美。

世民無推刃之慚。萬一建成不從。則斷以大義

封之。退阻之地。世民苦遜。則質以至誠。察其由

衷之言。至再至三。表裏面背。始終無間。然後定

儲貳之位。必至於兩全。而後已。則父子之道。得

兄弟之好。終君臣之分。定而國家安於磐石矣。

惜乎計不出此。厥後骨肉相殘。為古今之大惡。悲夫。

唐高祖錄  
隋子孫

綱唐廢隋帝侑為鄒奚。故城在山東兗州府東平州。國公而選用其宗室。

范氏曰商之孫子侯服于周誅其罪人之身而立其子天下公義也況宗族乎高祖始即位而錄隋子孫由漢以來最為忠厚其享國長世宜哉

唐高祖可  
謂知務

綱唐以孫伏伽為治書侍御史書美從善也高祖初政即有此

書可謂知務矣百萬年縣今陝西西安府咸寧縣法曹孫伏伽上表曰

隋以惡聞其過亡天下故陛下得之然陛下徒知得之之易而未知隋失之之難也謂宜易其覆轍務盡下情凡人君言動不可不慎陛下今日即位明日

有獻鷓鴣者此乃少年之事豈聖主所須哉又百戲

見上散樂見上卷亡國淫聲近太常於民間借婦女

二裙襦如以充妓衣擬五月五日玄武門遊戲此亦非

所以為子孫法也夫善惡之習漸染易移太子諸

王參僚左右宜謹擇其人有門風不睦素無行義專

好奢靡以聲色遊獵為事者皆不可近自古骨肉乖

離以至敗亡未有不因左右離閒而然也唐主大悅

下詔褒稱擢為治書侍御史賜帛三百匹仍頒示遠

近綱魏公密敗宇文文化及於黎陽見上奉表降隋綱

李密奉表  
降隋

綱魏公密敗宇文文化及於黎陽見上奉表降隋綱

綱魏公密敗宇文文化及於黎陽

隋恭帝侑二八

秋七月。隋王世充殺元文都。隋主以世充為僕射。魏公密如東都。不至而復。聞變而還。綱。八月。秦主舉卒子仁

果稿立。綱。唐立李軌為涼王。隋人葬煬帝於江都。

魏公密與隋戰。大敗。遂以其眾降唐。綱。隋字文化。

及弒秦王浩。自稱許帝。稱帝於魏縣。國號許。魏縣屬直隸大名府。綱。冬。

十月。唐以李密為光祿卿。封邢今直隸順德府國公。綱。朱粲

自稱楚帝。取唐鄧州。今河南南陽府鄧州。刺史呂子臧死之。綱。

隋以王世充為太尉。十一月。涼王李軌稱帝。綱。唐

秦王世民破秦兵。圍折城。雙。城名在陝西西安府薛仁果居此。秦王

李密降唐

字文化及

稱許帝

朱粲稱楚

帝

涼王李軌

稱帝

徐世勸賜姓李氏

仁果出降。綱。徐世勸降唐。賜姓李氏。綱。徐世勸據李

密舊境。未有所屬。魏徵隨密至長安。無所知名。乃自

請安集山東。唐主以為祕書丞。乘傳轉去聲至黎陽。

見勸世勸早降。世勸遂決意西向。謂長史郭孝恪曰。

此民衆土地皆魏公有也。吾若獻之。是利主之敗。自

為功。以邀富貴也。吾實恥之。今宜籍郡縣戶口士馬

之數。以啓魏公。使自獻之。乃使孝恪詣長安。唐主初

怪世勸無表。既而聞之。歎曰。世勸不肯德。不邀功。真

純臣也。賜姓李氏。使孝恪與世勸經營虎牢。見三八卷五

徐世勸真純臣

以東。綱唐斬薛仁果于市。書降書斬甚之也。綱唐遣

李密收撫山東。綱李密遇大朝會職當進食深恥之。

退以告王伯當。伯當曰：天下事在公度內耳。乃言於

唐主曰：臣蒙榮寵，曾無報效。山東之衆皆臣故時，麾

下請往收之，憑藉國威，取世充如拾芥耳。羣臣皆以

密狡獪好反，不可遣。唐主不聽，引密升御榻，飲勞並

堯君素死節甚厚。又以王伯當為副而遣之。綱唐殺隋河東守

將堯君素。書隋守將何見君素之終身隋臣也。前書

之志節著矣。然則曷為不書死之廣為弒逆其臣雖守節如君素，不得以死節書，所以深惡廣也。殺君素

者，君素之左右耳。書唐殺之何書唐殺之，所以後著

君素之節也。是故其見殺也，書隋其贈官也。書隋

贈官見四。綱隋將堯君素守河東。見上唐遣獨孤複

懷恩攻之，不下，招之不從，遣其妻至城下，謂之曰：隋

室已亡，君何自苦？君素曰：天下名義非婦人所知，引

弓射石之，應弦而倒，久之食盡。又聞江都傾覆，左右

殺君素以降。綱唐李密叛行軍總管盛彥師討斬之。

綱唐以李素立為侍御史。綱有犯法不至死者，唐主

特命殺之。監察御史李素立諫曰：三尺法以三尺竹

故王者所與天下共也。法一動搖，人無所措手足。陛

盛彥師斬李密

李素立守法

綱鑑易知錄

卷四 隋恭帝侗 三十一

下甫創鴻業。奈何棄法。臣不敢奉詔。唐主從之。命所司授以七品清要官。擬雍州今陝西西安府。唐主曰：要而不清。又擬祕書郎。唐主曰：清而不要。遂擢授侍御史。綱唐以舞胡工安叱奴為散騎侍郎。

恭帝侗煬帝之孫太子昭之第二子昭卒封為越王。留守東都。王世充等立以為帝。在位一年。為

世充所弑

綱已卯隋恭帝侗皇泰二年唐武德二年。鄭王王世充開明元。梁王沈法興延康元。吳王李子通明政元年。是歲隋梁楚粲亡。春二月。唐定租庸并楚夏定楊梁師都梁鏡。凡九國。法目每丁租二石。絹二匹。綿三兩。自茲以

唐定租庸調法

竇建德誅字文化及

王世充稱帝

隋亡

外不得橫斂。綱朱粲降唐。以為楚王。夏王建德破

字文化及於聊城今山東東昌府聊城縣。誅之。綱唐以字文化及為上儀同。封德彝為內史侍郎。書化及士及兄弟

賊士及德彝其黨也。夏誅之。唐爵之。綱目並書於策得失見矣。綱隋王世充自稱鄭

王加九錫。見二十八卷二九綱夏四月。鄭王世充稱帝。唐遣

安興貴襲執涼主軌以歸。殺之。河西見上十九綱五月。

鄭王世充弑隋主侗。綱世充以尚書裴仁基裴行儼

有威名。忌之。仁基父子知之。亦不自安。乃與尚書左

丞宇文儒童謀殺世充。復立隋主事泄。皆夷三族。齊



布席禮佛

唐置十二軍

王世暉蘇言於世充曰。僞童等謀反。正為隋主尚在。故也。不如早除之。世充遣人酖見十一卷。隋主請與。太后訣。不許。乃布席禮佛。曰。願自今以往。不復生帝。王家飲藥不能絕。以帛縊意。殺之。諡曰恭皇帝。**綱**秋。七月。唐置十二軍。**目**置十二軍。初析關中為十二道。今更置為十二軍。分統關內即西諸府。皆取天星為名。每軍將副各一人。督以耕戰之務。由是士馬精彊。所向無敵。**綱**八月。唐鄴公見上薨。書薨何廢帝也。自晉書陳留王曹。有以卒書者。於是復見若唐者。可謂近厚矣。其求也。宜哉。綱目前書選用其宗室。此書唐鄴公薨皆予。

之音綱。目晉惠帝太安元年。書陳。也。註留王曹奐卒。諡曰魏元皇帝。**綱**唐殺其民部尚書劉文靜。**目**文靜自以材略功勳。在裴寂之右。而位居其下。意甚不平。家數朔有妖。弟文起名巫厭煙入。鎮勝。文靜有妾無寵。使其兄上變告之。見十九卷唐主也。以文靜屬祝吏。秦王世民為之固請曰。昔在晉陽。見上文靜先建非常之策。始告寂。知及克京城。克長安也任四。遇懸隔。今文靜歛。厥望。怨望也則有之。非敢謀反。寂曰。文靜材略過人。性復麤險。天下未定。留之必貽後患。唐主素親寂。低回久之。卒用寂言。殺文靜。籍沒其家。

綱鑑易知錄

卷四十一 隋恭帝例三十一

沈法興稱

綱。沈法興稱梁王於毗陵。皮陵。今江南常州府。李子通。大業十一年。據

梁王

海陵。今江蘇揚州府泰州。稱吳帝於江都。今揚州府江都縣。綱。唐以

李子通稱

李綱為太子少保。目初綱以尚書領太子詹事。太子

吳帝

建成以秦王世民功高忌之。綱屢諫不聽。乃乞骸骨。

唐主罵曰。卿為何潘仁長史。大業十三年。西域商胡何潘仁入司竹園為盜。

劫李綱為長史。司竹園在陝西西安府蓋屋縣。蓋屋音周質。乃恥為朕尚書邪。

綱曰。潘仁賊也。每欲妄殺入。臣諫之則止。為其長史。

可以無愧。陛下創業明主。臣所言如水投石於太子

亦然。臣何敢久汙天臺。辱東朝。東宮之朝。乎。唐主曰。知公

李綱直士

直士。勉留輔吾兒。以為太子少保。唐主嘗考第羣臣。

以綱及孫伏伽為第一。謂裴寂曰。隋以主驕。臣諂亡

天下。朕即位以來。每虛心求諫。唯綱盡忠款。伏伽誠

直。餘人皆踵弊風。俛眉而已。豈朕所望哉。綱冬定楊

見上。將宋金剛取澹。澹州。今山西平陽府翼城縣。唐遣秦王世

民擊之。綱十一月。唐秦王世民擊宋金剛屯柏壁。城

在平陽府絳州

尺木堂綱鑑易知錄卷四一

早稲田大学図書館

011688996424